

茗齋集

七

卷之三

苦齋詩古樂府

淮南彭孫貽昇仁氏著



筵屐謠

鳳鳥畏叢棘麟不伍
驅逐顏帶且傾奪
何況儀軫傳結髮矢膠漆
白首戈與矛
夙昔金石交
今日咸見尤
誰能長屋戶同類
竊相求寧與勢位殊
願同貧賤憂肝胆
自胡越秉信終
山丘相逢莫相疑
擊筑彈箏簾

將進酒

將進酒主人為客千萬壽
當時門客去復來惟有金樽不相負
枯草何榮月更弦
白髮安能重少年
身乘高車印垂肘
何似糟

立終日眠身外浮名豈足問黃土纍々無聖賢脫衣沽酒須盡
醉青春奈何老將至樽中滿酌勸衆賓眼前誰是百歲人諛言
盈耳公莫聽眼藥自誤求仙真今日花開明日花落相逢幾何
目樂相樂青絲玉缸垂轆轤看君意氣誠酒徒莫通姓名但
痛飲一飲五石如鸛鵲勸君努力消百靈楚人獨醒非良圖

囉嘖曲

妾家住江口去婿去經年江流日下只送去人船

捉搦歌四首

梨中憤轅已生慣麻稽煮飯反為粥翁姥抱孫猶反目老女出
嫁陽覆哭

糞壤種花妍
醜織成單絃
不掩肘姊猶無婿
弟納婦機絃低
頭怨阿母

殺毛為譚
未堪卧阿婆
無禪連夜作
二八女兒當
窓坐可憐
照井成一箇

雞飛上樹狸
入臼後園竹
禿為敝帚有
女不嫁空多
口不怨阿
母但怨舅

折楊柳歌辭五首

並馬橫金鞭
意氣各自有
相逢不相留
投鞭折楊柳
班雕戲赤岸
羌笛手中吹
可憐道上柳
送盡路旁兒
羌兒娶漢女
不作漢兒歌
漢兒學胡語
胡界其奈何

大澤羊千蹄種鹽五萬石
禿駒不服早無錢底作客
摩娑五尺刀上有龍雀環
持環問消息作客何須還

折楊柳枝歌四首

折柳持作鞭驅迴紫騮馬
不須留君馬君自為奴下
柳枝易隨風無風亦裊々
女兒十五六易入人懷抱
纖纖作襜褕襜褕短絇至
髀錢刀人有之勸郎行仁義
高田種枯木不如菌生耳
嫁婿不憐不如寡女子

隔谷歌

萋萋刺肌鉄貫足
髡鉗作奴死莫哭
兄多錢刀娖阻贖人邪鬼
乎只隔谷

身為俘虜手斂足跛衣有薪食無火兄不救我孰救我急強逢
緩寄索我秋栢下

企喻歌

重鎧雙毳年雄兒賭身命刀前拜弟兄一心不一姓
野火燒着天野鴨自塗泥十旬九不飯射得了角麋
長弓鹿角張羽箭大子檐瓦作殘骸不為野狸噉
男兒刀瘢滿老父莫相憐我有翁老時翁無我少年

紫騮馬歌四首

驕

道逢渭南令驅嘶不肯下不識馬上兒但識紫騮馬
驪駒東門去白日黃塵生對面不相識但聞馬蹄聲

野火出枯桑野樵自生素童男生白髮少年那得老
草枯還復綠雨落不上天生小離鄉里空自作人憐

紫騮馬歌

羝羊未生乳單雄不成雙誰能着錦袴獨處可與無郎

黃淡思歌三首

山桑黃淡思野繭青碧繅郎無歡容願知有遠行色
五更踏朝霜歡畏見行跡傍人相知聞已不自今日
雨面素素綆不成好客姿作氣更問歡今定憐誰

東平劉生歌二首

走馬東平但問劉生敗垣偏仄車馬縱橫

轍

袖中懷短書劉生向未識馬上舉鞭問客有不平色

高陽樂人歌

高樓大道北酒作桃花顏但飲無所苦脫取黃金鞭
可憐白鼻騮銀鞍照雪色爛醉渡河歸障泥惜不得

雀勞利歌

前飛老鴟後搏鵲竊脂得肉腐鼠棄乳虎耽飽人骨焉知
毒機防與隱斑毛錦碎光入地啾啾不如雀勞利

地驅樂歌四首

月明高天高以霜鬻鬻貴為郎不須千羊

黃羊生羝壯士無妻隣有老女不嫁為誰

石人作火相伴兀坐郎心有他我自憐我
板屋不扉十裡九雞雖有旁人但能見疑

淳于王歌二首

十千買雀釵明鑑百萬緣雖有擢首姿不能得郎心
空屋中蟪蛄蛛絲長得幾總女郎無好客見歡生百媚

慕容自魯企由谷歌

高樓十二重交牕三十六風吹不教開那見顏如玉

鉅鹿公主歌四首

快馬犢車不及鷄子裂封萬戶願只尚主

畫鼓殿簫管以暗誰謂倡樂不如南音

陽翟教歌邯鄲且舞黃金百萬棄為糞土
黃姑提壺天姥勸酒帝子得婿皇帝萬壽

瑯琊王歌八首

千金買駿馬百金買鞍口不是賤黃金健兒耀身手
陽春二三月花與人同色不惜洗鉛華要分花氣息
季冬陰雨雪馬毛縮復僵銀床不撥火嚼凍乞寒漿
買得并州刀月虧刀不缺摩娑久無仇劍閒一百月
赤棒交前驅駿馬如龍長生女願作妃得嫁瑯琊王
瑯琊大道王昨土稱西帝布衣俠遊兒與王作昆弟
草生磐石上根株那得長客行久不歸那得識故鄉

十年種檟柳高，欲刺天男兒賤里巷意氣不須錢

隴頭流水歌三首

隴頭流水東西北流壯士離鄉何用百憂

孤狸北嘯悲在野水何賤終朝東下

朝登隴首暮宿隴坂晝短道長夜不能飯

幽州馬行客歌四首

陌頭採桑婦後車載入宮道傍見舊壻殊無可恨容

風吹濤茫河鯉魚飛上天小馬已生駒女無出嫁年

阿母二八時已不戀翁姥昨歲既抱孫今年忘嫁女

買得果下駒昧芻工細步如何遠遊子苦戀漁陽路

神弦十一曲共十八首

宿阿曲

天皇開紫宮勾陳宿魁柄真符自天下紛香諸賢聖

道君曲

神君何許中庭謖不風以雨

聖郎曲

迎郎、不來送郎、不去玉女持酒漿青童持藕履不須弄容

姿已識殷勤意

嬌女詩二首

含嬌雲中出艷、桃李顏青雲繚白雲不分雙髻鬟是懷海

上山

摘花過橋上魚從橋下過恰、照成雙不獨魚見我郎亦窺人
坐催人嬌婀娜

白石郎曲三首

仙郎嬌艷與玉同色嬌女無郎顏抱白石
玉女雪姿比郎爭白笑枕郎臂如枕白石

白石郎采石遊鱗鱗相妃偶神魚隨隊流河伯戴魚頭

就姑曲三首

湖就姑曲

湖就赤山頭小姑把菰苗大姑跨鯉遊
赤山在湖尾虹抱兩姑腰缺暈同月朧

青溪小姑娘

白石隔青溪，小姑娘長獨卧。彩虹可作梁，青溪不可度。

姑恩曲二首

繁霜百草短，女蘿松下長。白石爛為泥，姑恩不可忘。

綵雲綵霓作帷幙，明姑坐當中。動搖五明扇，拳毛獸尾紛清風。

采蓮童曲二首

紫菱出四角，荷葉如車輪。青童共魚戲，不顧采蓮人。
仙童紅玉面，嬌女無顏容。神仙不獨處，助儂採芙蓉。

明下童曲二首

柘弓黃桑靶，流雷相輝霍。側身避金丸，彈殺雲中雀。

仙童年八百雪作紅肌膚不願壽萬歲長願侍明姑

同生曲

白鶴雙比翼相將飛上天同生不同處寧解作神仙

茗齋詩新樂府

淮南彭孫貽昇仁氏著

築城誰

朝築城暮築城築城欲高、易傾冠來尚可官今殺我解盡無
粟駟無康坊正來索錢縛去抱轂此告吏且勿筆詰朝驚我離
亂兒解翁病何苦婦代標土伐我北墉桑夷我井振我芋女垣
之外欲以走馬解高城長五丈下者三丈餘荷者弛檐輿人止
其車載塊拾魔公何怒為乃扶余介者免曹以袒卧持炙飲肥
酒睥睨上頭居四解

飛龍篇